

昆田文次郎君墓表

君諱文彦通稱文次郎昆田氏考曰左一郎妣富田氏越
後新發田人弱冠東遊入東京專門學校修法學乃今早
稻田大學也學成中辯護士試為先輩岡山兼吉所知勾
當其法律事務有年後以其薦入古河鑛業會社輔佐社
長拮据勵精三十年如一日遂進理事長人咸信賴昭和
二年一月二十一日歿距生文久二年九月廿八日享年
六十有六事聞持旨叙從五位會社以社葬禮葬之後
歸葬於新發田君天資剛毅而誠信接人溫謙處事詳慎
能釋難解紛而不自居功奉身儉素以賙人窮成人義為
樂後進賴以立身者頗多而未嘗見德色又夙質畫早稻
田大學事業其功亦多云配和田氏名信有賢婦稱一女
晴矢養姪強平為嗣
昭和二年四月

友人

市嶋謙吉撰